

Cua' ye' ilpíto'ya, choochin achto pipilojtipanoy ihuán nej sej nipanoy. Ihuán máj máj se' nō panoy, ihuán iga moxiton ipuntaj reata asentápal, inōn tocnin quixiton yej mia' vej apanoy.

Ijcón iga ni-apanojquej, e' anca quen este las diez de la mañana. Ihuán ompa nimixcuítij iga inán ayí' niaj asentápal cua' nento' poxsan quiahua'.



NI-ATZACUICA

Ipan se' lunes 29 de Septiembre del 2003, se tocnin ne-ijlij iga manicvacunarotij iyolcamej; ihuán se' tocnin nō manimaroj ihuán ipiltzin iga nō yahuij.



Ihuán niajq_{uij}. E' cua' nemi niahuij, nicpatilijquej Tecsisá', e' aya hueyi malej iga nentoya tiahua', san soquiyacálagó'. Cua' támi'ya nitavacunarójq_{uej}, tzinti' tiahua', ihuán se' tocnin quijtoj:

—Nicpiá se' noyolca' ne-iga ipan tepeyoj, ma anquinéqui_hua' maticvacunaró_tij.

Ihuán niajq_{uij} este ipan tepeyoj, ijcón tiahuatampa. Ihuán como inón hora tióta'yataj, nasitój ompiga tacómiya. Nictemojq_{uej} torojtzin, ayo' nicasiquej iga tacomíchanya. Ihuán ni-ojcuíqueja sej iga nimocuépaja, ijcón tacomichcan nihualquej este a-ijti'. Nasitój a'ti san melajto' iga pox hueyi.



Notaj ihuán nocnín ómpaya nó onoyaj. Ompa onoya se tocnin yej pox huel apanohua. Yéj mia' vej apanoj iga quita' siga huel apanolo. Ihuán yéj quipanoltij ipuntaj reata noladojmej iga niquilpijq_{uej}, ijcón iga iyomexti ataten ilpitoya ipuntaj reata.



Ihuán ijcón nitanesquej. Cua' niquitaquej némiya tacuicuilhui, ayá' huejcati' ipan tepe' asentapalpa, asiquej notaj ihuán nocnín iga ne-itatoj, ne-ijlijquej iga manicchácano' matemo a'ti iga huel manipanoçan. Ihuán niajquij ajcopica, çan yohuanpa nicnequiáj mani-apanoçan. Nasitoj ompiga, comátiya tocnihuan onoquej yej ne-itatoj, quinentiayaj reatajmej iga ne-apanoltiáj.



Se' tocnín yej huítzeyay listo iga apanohua, nimanín momota' atampa malej iga este quen quihuigayay a'ti, e' yéj apanoj, e' ipiltzín çahui' ihuán nej ihuán se' tocnín.

Neyímejsan nitayoçoxticajquej asentápal. Ihuán nejamej yej nicajquej asentápal mej niquilpijquej reata ipan acontópil iga nimoquítzquiáj ípan, a'ti majya hueyá' ihuán majya tajpalej, ihuán ijcón nicalacquej atampa iga nicnequiáj mani-apanoçan ihuán nasiquej este tajcoyan, alinsan polihuiá iga ni-apanohuáyaja, e' niquitaquej iga a'ti pox tajpalej.




Ihuán quijtoj tocnin yej apanoj:

—Nij xinechacan manicnotzati sequin iga mamitzapanoltiquij.

Ihuán quinotzato mia' tocnihuan iga quinequiáj maneapanoltican, ihuán asiquej, e' ahueliti' iga póxsanya hueyi a'ti ihuán tacomichcan.

Tocnin yej ihuan nicajquej asentápal quijlij yej quinequiáj maneapanoltican iga mayácanya ichamej iga amo mijisahuisquej, iga nejamej ómpaya niahuij nitanesitij ipan aten. Ihuán tocnihuan yájquija ichamej, nejamej ómpaya nisesecticajquej iga poxsan nentoya tiahua'.



Ihuán nejamej niajquij cuatampa iga ompa nimiyاناتoj. E' choochin yej ihuan ninemiáj poxsan huihuitocaya iga sesecui, iga papachqui' itzótzol ijconsan no nejamej. Ihuán yej huéhueja quijtoj:

—Ayá' huejca ono' se rancho, siga anquinequij matiacan ompiga, máleja ijquín tacomichcan.

Ihuán nicuiquej ojtí, nictzomonquej acahualyoj ihuán sacayoj. Canaj nimotaquitzquij ipan huitzti este nemasoloj, canaj nihuetzi'. Ijcón nimajmatiaya iga nicmati tayohuacan nejnemi cohua'. Ihuán nasiquej este can rancho. Alín nimotaliayaj, alín nimotecayaj talpan iga poxsan nicochisnequiáj; e' ahuel nicochquej iga tzicataj, moyotaj ihuán sectaj ihuán tacalaquiá can nonoyaj.

